

中興禮書

中興禮書第四卷

吉禮四

郊祀神位

紹興十三年二月十二日權禮部侍郎王賞等言勘會已降指揮令臨安府於城外東南踏逐圓壇并青城齋宮契勘將來若依五禮新儀冬至日祀昊天上帝合稱冬祀大禮合設昊天上帝位太祖皇帝配並從祀共六百九十位若依元豐已前祖宗朝禮例於冬至就圓壇合祭天地合稱郊祀大禮合設昊天上帝位皇地祇位太祖皇帝太宗皇帝配並從祀共七百七十一位所有將來大禮未審行冬祀大禮唯復行郊祀大禮合取自朝廷指揮詔行郊祀大禮

六月二十九日禮部太常寺言今條具到合行事件下
項 一勘會昨紹興十年明堂大禮所設神位係昊天
上帝皇地祇太祖皇帝太宗皇帝天皇大帝神州地祇
以下從祀四百四十三位共四百四十七位今來大禮
合添設衆星三百二十四位通共七百七十一位 一
勘會昨紹興十年明堂大禮許令本寺權暫追喚太史
局合千人齋星經赴本寺照儀貼定神位次序委本局
官看詳畫圖申尚書省并申太常寺所有將來郊祀大
禮所設天地并從祀神位圖本欲乞依上仲禮例施行
詔依後依
壇上

昊天上帝 皇地祇位于北方南向西上 太祖啟運

立極英武睿文神德聖功至明大孝皇帝 太宗至仁
應道神功聖德文武睿烈大明廣孝皇帝位于東方西
向北上

子階

第一龕

神州地祇一位

第二龕

鈎星天柱真枵天厨柱史五位為一列以西為上

第三龕

虛宿女宿牛宿織女四位在前人星司命司危司非司
祿天津離珠羅堰天桴奚仲左旗河鼓右旗十有三位
在後並各為一列以西為上

內壙內

天壘城瑤瑜代星齊星周星晉星韓星秦星魏星燕星
楚星鄭十有二位為一列以西為上內壙外

內壙外

衆星三十位為一列以西為上

丑階

第一龕

北極一位

第二龕

女史星紀御女三位為一列以西為上

第三龕

建星斗宿箕宿三位在前天鵝輦道漸臺敗瓜扶箱匏

瓜天弁天梧帛度屠肆宗星宗人宗正十有三位在後
並各為一列以西為上

內壇內

越星趙星九坎天田狗國天淵狗星鼈星農丈人杵星
糠星十有一位為一列以西為上

內壇外

衆星三十位為一列以西為上

寅階

第一龕

青帝一位

第二龕

帝座一位在前尚書析木河漢大理歲星木神勾芒東

嶽八位在後為一系列以北為上

第三龕

尾宿天紀心宿日星四位在前天籥女林候星市樓宦者天江車肆斗星斛星天市垣列肆東咸罰星東鎮東海東瀆十有六位在後並各為一系列以北為上

內壝內

魚星龜星傳說神宮積卒從官天輻騎陣將軍東山東林東川東澤東丘東陵東墳東衍東原東隰十有八位為一系列以北為上

內壝外

衆星三十位為一系列以北為上

郊階

第一龕

大明一位

第二龕

陰德大火天槍真戈天牀五位為一列以北為上

第三龕

房宿七公氏宿帝席大角亢宿六位在前貫索鍵閉鈎
鈴周伯星西咸天乳招搖梗河亢池周鼎十位在後並
各為一列以北為上

內壇內

陣車車騎騎官額額折威陽門五柱天門衡星庫樓十
位為一列以北為上

內壇外

衆星三十位為一系列以北為上

辰階

第一龕

無神位

第二龕

三師輔星壽星相星太陽守五位為一系列以北為上

第三龕

攝提角宿軫宿太微垣太子五位在前天田平星進賢
郎將郎位內五諸侯九卿內座三公內座謁者幸臣常
陳十有一星在後並各為一系列以北為上

內壇內

平道南門青邱長沙土司空五位為一系列以北為上

已階

第一龕

赤帝位

第二龕

太一天一二位在前天理勢星鵠尾熒惑內厨火神祝融南嶽八位在後並各為一列以東為上

第三龕

明堂翼宿張宿三位在前內屏從官虎賁靈臺少微長垣黃帝座四帝座南鎮南海南瀆十有一位在後並各為一列以東為上

內壇內

左右轄軍門器府東甌天廟酒旂南山南林南川南澤

南丘南陵南墳南衍南原南隰十有六位為一系列以東為上

內壝外

衆星三十位為一系列以東為上

午階

第一龕

黃帝一位

第二龕

北斗一位在前天牢三公鶉火文昌內階土神后土中
嶽八位在後為一系列以東為上

第三龕

權星星宿三台柳宿四位在前內平太尊積薪積水北

河中鎮六位，在後並各為一列，以東為上。

內壇內

天相、天稷、耀星、天記、外厨、天狗、南河、中山、中外、中川、中澤、中邱、中陵、中墳、中衍、中原、中隰，十有七位，為一列，以東為上。

內壇外

衆星三十位，為一列，以東為上。

未階

第一龕

無神位

第二龕

鎮星、鶉首、四輔，三位，為一列，以東為上。

第三龕

鬼宿井宿參宿三位在前天樽五諸侯鉞星座旗司恠
天闕六位在後並各為一系列以東為上

內壝內

天社天星水位闕邱狼星弧星老人星四瀆野鷄軍市
水府孫星子星十有三位為一系列以東為上

內壝外

衆星三十位為一系列以東為上

申階

第一龕

白帝一位

第二龕

實沈太白金神蓐收西嶽五位為一列以南為上

第三龕

觜宿五車諸王畢宿四位在前咸池天潢三柱天高礪石天街天船西鎮西海西瀆一十位在後並各為一列以南為上

內壇內

丈人天屎天廁伐星屏星軍井玉井九游參旗附耳九州殊口天節西山西林西川西澤西邱西陵西墳西衍西原西隄二十有二位為一列以南為上

內壇外

衆星三十位為一列以南為上

西階

第一龕

夜明一位

第二龕

八穀大梁杠星華蓋四位為一列以南為上

第三龕

月星昴宿胃宿三位在前積水天讒卷舌天門積尸大陵左更天大將軍軍南門九位在後並各為一列以南為上

內壇內

天園天陰天廩天苑天囷蒭藁天庾天倉鉄鎖天溷十位為一列以南為上

內壇外

衆星三十位為一系列以南為上

戌階

第一龕

天皇大帝一位

第二龕

五帝內座一位在前傳舍六甲降婁三位在後為一系列以南為上

第三龕

婁宿奎宿壁宿三位在前右更附路閣道王良策星天廐土公雲雨霹靂九位在後並各為一系列以南為上

內壇內

外屏土司空八魁羽林軍四位為一位以南為上

內壇外

衆星三十位為一系列以南為上

亥階

第一龕

黑帝一位

第二龕

鈎陳娵訾辰星紫微垣水神真冥北嶽七位為一系列以西為上

第三龕

室宿危宿二位在前騰蛇雷電離宮造父土公吏內杵臼星蓋屋虛梁墳墓車府北鎮北海北瀆十有四位在後並各為一系列以西為上

內壇內

壘壁陣鉞敗臼北落師門天網天錢泣星哭星北山
北林北川北澤北邱北陵北墳北衍北原北隰十有八
位為一列以西為上

內壇外

衆星三十位為一列以西為上

九月二日禮部太常寺言勘會今來郊祀大禮前一日
朝饗太廟依儀設七祀并配饗功臣位於殿下差官行
禮合用神位幕次欲乞依禮例令儀鸞司計會太廟奉
安所排辦詔依後皆此

十月十三日禮部太常寺言修立郊祀禮儀前祀一日
太史設神位版昊天上帝位皇地祇位于壇上北方南

向西上配位東方西向北上天皇大帝

五方帝大明夜明北極神州地祇十位于第一龕北斗
天一太一帝座五星十二辰河漢等內官五行五岳神
位六十有九于第二龕二十八宿等中官五鎮四海四
瀆神位百七十有二于第三龕外官山林川澤邱陵墳
衍原隰神位百五十有六于內壇

孝宗隆興二年十二月十二日禮部太常寺言南郊從
祀神位內已設赤帝位于第一龕而正月上辛有司合
祀感生帝欲依淳化典故更不別祀從之

一百三十九卷隆興二年十二月十二日禮部太常寺言每歲依禮例有司
一係當即此事而文獻無可附麗姑附于此太常寺
二年十二月十二日禮部太常寺言每歲依禮例有司
攝事正月壬午祈穀祀上帝于圜墻并同日祀感生帝
于望祭殿宮今檢准國朝典故淳化三年十一月二十
七日南郊禮儀使言明年正月二日上年親行祈穀之

禮按常祀同日祀感生帝祈穀壇不致齋
行祀禮其祈穀壇備設亦帝位請龍威生祀
今未正月一日上辛郊祀大禮其所設從祀
從亦帝位于第一龕其同日有司祀感生帝
依典故權罷祀依

淳熙元年七月十八日禮部言准四月二十三日初秘
書省著作佐郎兼國史院編修官賈錄院檢討楊洵劄
子奏臣昨為祕書丞李焘太史局竊見昊天上帝皇地
祇太祖皇帝太宗皇帝位版與日月星辰嶽瀆諸神重
壘堆積於小室間甚不稱陛下寅畏天地虔奉祖宗之
意問之官吏蓋循襲既久有司講求而施行之批送禮
部勘當申尚書省本部送常寺勘當欲乞令太史局將
見奉神位處相度合用屋宇修蓋擬截奉天地祖宗神
位版各為一匣嚴潔安奉并其餘日月星辰嶽瀆諸神

位版亦用匣盛貯嚴潔安奉令太史局差官不時檢點及每遇祠祭將合設神位版本局官於前二日躬親點檢畢別用匣盛貯令所差鋪設學生等於祠前一日用腰輿抬擎覆以黃帕奉赴祠所設恆奉安以俟鋪設行禮詔依尋據太史局申合蓋小殿屋三間廊屋一十八間安奉所有看殿潛火兵士乞下臨安府京畿將差撥二十人本部勘會除兵級更不差破外今相度欲乞止蓋小殿屋三間安奉御天地聖祖太祖太宗徽宗神位六位蓋兩廊小屋各三間安奉上十位神位係天皇大帝五方帝北極大明夜明神卅地祇位并造聖祖徽宗神位二位木罩匣二箇各高二尺二寸長三尺四寸濶一尺八寸並用朱紅漆并造上十位朱紅匣十個各高

一尺五寸長二尺二寸濶二尺二寸並用朱紅漆及造
日月星辰嶽瀆諸神等黑漆匣二十個各高一尺五寸
長二尺二寸濶二尺二寸並用黑漆候令降指揮下日
從本部行下臨安府修蓋殿屋等及下文思院製造木
罩匣等施行詔依

中興禮書第六卷

吉禮六

郊祀玉幣

紹興五年閏二月二十八日禮部太常寺言祀五方帝合用禮神真玉奠獻昨為未曾製造止奠幣行禮近緣明堂大禮已行製造真玉欲乞自今後依儀奠玉幣行禮詔依

十三年六月十二日禮部太常寺言已降指揮將來郊祀大禮排設大樂祭器內除宮架排辦一料外其登歌樂并祭器欲乞依在京夏祭禮例排辦兩料所有禮神真玉乞番衮供設更不制造詔依

禮神真玉昊天上帝蒼璧皇地祇黃琮青帝青圭赤帝

赤璋黃帝黃琮白帝白虎黑帝黝璜神州地祇兩圭有
邸大明夜明圭璧五嶽兩圭有邸 朝獻聖祖天尊大
帝四圭有邸分詣九宮貴神圭璧太社太稷兩圭有邸
九月二日禮部太常寺言准御劄節文今年冬至日有
事于南邸今參酌到合行事件下項 一檢會紹興十
年明堂大禮幣帛共四百四十七段所有今年郊祀大
禮比之紹興十年明堂大禮添祭衆星等共合用幣帛
八百段各長一丈八尺小尺並乞從本寺具合用方色
牒太府寺下左藏庫將堪好物帛變染除逐色依丈尺
分打用本庫印記限大禮前一月赴太常寺送納今具
幣帛方色數目如後 郊祀大禮七百七十一位 天
神青幣一百三十八赤幣一百二十一黃幣一百二十

二白幣一百二十七阜幣一百八十蒼幣二共六百九

十地神青幣一十六赤幣一十六黃幣一十五白幣

一十六阜幣一十七蒼幣一共八十一一朝獻景靈

宮蒼幣一 一朝饗太廟白幣一十一 一前二者奏

告太祖皇帝太宗皇帝白幣二 一分詣九宮貴神青

赤白阜紫紅各一黃三 太社太稷阜幣四 別廟白

幣一較門白幣一 詔依自後倣此內三十二年安移皇

別廟添白幣一乾道三年安移皇祀別廟又添白幣一共用方色幣帛八百有二

二十二日禮部太常寺狀勘會今來郊祀大禮饗祀天

地祖宗社稷事體非輕所有合用奠獻幣帛依已降指

揮下左藏庫支供除已關報逐處並要如法椿辦堪好

物帛仍於大禮前一月畢備外竊慮左藏庫將低下不

堪顏色暗淡物帛供送赴寺欲望朝廷嚴賜指揮下左
藏庫專一委官揀選顏色鮮明堪好物帛用印差人供
送所貴崇奉祀事嚴潔伏乞朝廷詳酌指揮劄下左藏
庫依所申

二十四年十一月十六日御藥院劄子奉聖旨降蒼壁
黃琮四圭有卽共三件匣複褥全付太常寺收管供使

中興禮書第七卷

吉禮七

郊祀禮料一

高宗紹興四年七月十六日禮部太常寺言准勅臣僚上言臣竊聞州縣買發祠祭牛犢民以為病每歲五祀當用太牢每一祀用八牛兩浙漕司預下州縣買發角必蘭采色必純黃犢必兼母正必用副雖曰收買實配取之揀選退換騷擾百端農夫恃牛以為命失牛甚於失子既傷和氣恐非所以交神明也願詔有司酌時之宜且依舊制用羊豕充代俟鑒駕還闕親執圭瓚然後舉用常儀誠不為晚詔令禮部太常寺同共討論令欲依紹興元年十一月二十三日已降指揮每遇祭祀天

地權用羊豕候還闕日依舊詔依

十三年閏四月二十八日禮部太常寺言禮部侍郎王
賞等劄子勘會在京日每遇夏祭大禮係排辦本壇并
望祭齋宮兩料其冬至祀昊天上帝止排辦一料竊緣
在京遇冬月無雨今來臨安府冬月不時雨降若將來
大禮不測值雨難以旋行船運赴齋宮乞依在京夏祭
禮例排辦兩料詔依

自後逐
却做此

六月二十九日禮部太常寺言勘會將來郊祀大禮前
一日依禮例合薦饗別廟其牲牢禮料登歌樂並乞依
每歲五饗禮例排辦施行仍乞至日俟車駕行禮畢歸
大次奏解嚴訖有司以次行薦饗別廟之禮詔依
十二月二十七日禮部太常寺言契勘來將郊祀大禮

其合用牛犢并母二十八副依已降指揮令兩浙轉運司於近便州軍收買今來節次據諸州縣納到牛犢共二十五副近據牛羊申數內牛犢并母兩副因病不食水草雖已退送兩浙轉運司換買外竊恐臨期復有病患之數換買不前乞依紹興十年七月二十二日指揮令兩浙轉運司於近便州縣收買牛犢并母一十五副准備供使候事畢却行給還詔依

十六年八月二十日禮部太常寺言勘會紹興十三年郊祀大禮所用牲牢依儀前一日未後晡時宰殺至丑時七刻係三更一點後行事當時將兩料牲牢未後同時宰殺饌造了畢將及三更去行禮時刻逼促使有司往來入實奔走交互幾至闕誤今欲乞將一料牲牢禮

料本日先二時宰殺饌造子料依儀宰殺後批送禮部
行下太常寺依自來儀令十一月九日御藥江諮傳聖
旨今來郊祀圓壇牲牢兩料止宰殺一料

使傳
旨

後每遇親郊
臨時並令中

十九年四月五日太常丞胡寧等劄子竊以薦饗之禮
務在嚴潔禮雖從簡薦必以誠朝廷歲支禮料本錢一
萬一千緡不為數少歲月滋久因仍簡玩率取具於臨
時故脯鴈則或至於陳腐果實則不臻於新潔甚非所
以嚴奉祠事蓋緣每遇祠祭旋於鋪戶處收簇不即時
支還價錢致鋪戶不將上等物色供應今相度欲乞自
今後令臨安府市令司將禮料果實等物約度合用之
數支一色見錢收買上等物色不得於鋪戶處臨時均

數供應如市令司不即時支還價錢許該鋪戶經戶部陳理可以杜絕並緣之擾又見奉祠官每遇宿齋其什物動用皆循習舊例假於寺院多至散失大約一歲大中小祀無慮百所若逐時關借又至散失其擾實多亦乞行下臨安府約度置造於太廟奉安所及望祭齋宮椿管互取應付不得于寺院關借騷動庶幾民和而神降之福仰副朝廷明德恤祀之意劄付臨安府依所乞事理施行

二十二年十月二十九日太常寺言契勘今來郊祀大禮所有應用酒齊禮料什物幕次等並係臨安府應副排辦緣即今郊祀在近竊慮排辦未致足備欲乞專委臨安府知府提領所貴不致臨時誤事詔依

白後逐郊做此

孝宗隆興二年三月二十六日禮部太常寺言准正月一日詔朕恭覽國史太祖皇帝乾德元年郊祀詔書有云務從省約無至勞煩仰見事天之誠愛民之仁所以創無疆之業垂萬世之統者在是朕祇膺慈訓嗣守丕祚今歲冬至日當郊見上帝以申景命用遵皇祖之典崇儉德而戒勞民可令有司除事神儀物諸軍賞給舊制外其乘輿服御及中外支費並從省約仍限一月條具以聞今條具下項數內一項一今來大禮所設幣帛牲牢祭器禮料酒齊登歌宮架樂舞等並係事神儀物實用之數依已降指揮不合省約外所有其餘合排辦乘輿服御中外支費省約事件今欲乞朝廷指揮下其餘曹部等處下所屬令各行照應今降指揮條具申請

施行詔依

自後永郊祀此

六月二十九日禮部言臨安府申郊祀大禮合用鹿麋
麋麋乞用淨羊充代批送禮部看祥申尚書省尋下太
常寺勘會逐次郊祀大禮禮料並用本色竊緣係是皇
帝親祠行禮事體至重其禮料自合遵依逐次郊祀大
禮並用本色制造即不合將別物充代後批送禮部具
看詳到事理行下臨安府照會

七月二十二日禮部太常寺言郊祀大禮前一日朝享
太廟皇帝合詣別廟懿節皇后室行禮所有別廟安穆
皇后室欲乞依每歲五饗禮例排辦詔依
祀廟以後逐郊前一日本有司為鑒別廟亦如五饗之儀

七月二十八日戶部言准勅臣僚上言臣仰惟陛下將

舉初郊之禮首遵乾德之詔務從省約無至勞煩是以
凡事裁抑無間巨細蓋雖車輦之乘儀衛之設以及隸
樂之伎他役之人多至減半少亦三分損一豈不以天
道惡奢而喜儉惡煩而喜簡惡傷萬而喜益百姓故凡
欲崇儉德而戒勞民者既以遵皇祖之典又以合皇天
之心不謂是歟然上之率由舊章如此則下之承用詔
書當何如哉臣竊聞嚴州之桐廬一小縣爾乃以大禮
為名既料買銀又料買絹料買轉運司牛犢料買本州
牛犢其他如景鍾梁纏龍木曲梁木雜碎之物如桐油
生漆羊毛松板固不一色而官中並無的確合支錢數
不免將價例故為捐減將稟名妄為指撥一縣如此他
縣可見況乃今郊所費支賜銀絹各有裁減則州縣料

買似合蠲除至如合用蠟燭猶尺令雜買務收買而龍腦令左藏庫揀選供納故臣謂應于雜物見令轉運司朱夏卿差充提舉一行事務若就令夏卿于轉運司及臨安府支撥見錢逐一收買則出于官之費者甚微而寬于民之擾者甚大或有州縣已買到物色即今指定上供錢或經總制錢依實直日下支還如官吏減冠分文並許直赴御史臺陳訴以憑劾治詔令戶禮部看詳申戶部看詳今來臣僚所請欲乞行下提舉大禮一行事務朱夏卿更切取見兩浙轉運司并臨安府的實今歲大禮合排辦收買物色價錢照應逐郊體例于本處所得移用係省窠名錢內椿垛見錢依市價支給所是州縣已買到物色亦仰於本州係省窠名錢內日下支

還不得因而抑配科擾於民如官吏減剋分文並許直
赴御史臺陳訴禮部看詳尋取到兩浙運司狀勘會今
歲大禮收買牛犢共四十五副本司遂照前例行下所
屬嚴衛婺州各買正副牛犢一十副臨安府餘杭縣買
准備牛犢三副新城臨安富陽昌化於潛縣嚴州桐廬
縣各買准備牛犢二副其價錢於係省錢內支還不得
因緣騷擾本部勘會太常寺合用正副牛犢并母共三
十副取到兩浙轉運司狀更有准備牛犢一十五副今
承前項臣僚所請事理所有轉運司添增准備牛犢一
十五副自不合更行收買其合用祀神蠟燭等尋下太
常寺勘會將來郊祀大禮合用正副牛犢并蠟燭並係
事神儀物依逐次大禮例係兩浙轉運司收買燒造并

景鍾梁木已承近降指揮令所屬軍器所斟酌修飾今
看詳上件牛犢蠟燭並係事神儀物除合用數目欲乞
令收買去處即不得過數妄行科率其景鍾梁木係令
軍器所斟酌修飾欲乞令所買官司不得過數科數收
買詔依

乾道三年七月七日禮部太常寺言將來郊祀大禮同
日分詣九宮貴神太社太稷并前一日朝饗太廟同日
分詣別廟逐處合用牲牢有合申請事件下項 一合
祭天地并配合及依近降指揮合用兩料依例每兩正
備一副正牛犢并母八副副牛犢并母四副正羊三十
副羊十五正豕三十副豕十五一分詣九宮貴神係一
料每三正備一副正羊九副羊三正豕九副豕三一分

詣太社太稷係一料每三正備一副餘分亦備一副正
羊四副羊二正豕四副豕二 一前一日朝饗太廟係
一料每兩正備一副正牛犢并母一十一副副牛犢并
母五副正羊一十一副羊五正豕一十一副豕五別廟
正羊豕各一配饗功臣七祀共合用正羊豕各一
一合用牛犢欲乞依親饗太廟例下兩浙轉運司於近
便州軍預行收買於大禮前九十日管押赴寺看驗送
牛羊司入滌內祀天地正配位牛犢合用角蘭栗純黃
色不帶破雄犢充饗太廟牛犢合用角握純黃色不帶
破雄犢充其逐項犢母不拘毛色並要有乳一合用正
副羊豕欲乞依自來收買羊豕格式下臨安府於大禮
前九十日收買赴寺看驗送牛羊司入滌

一將來收買牲牢數多欲乞令臨安府市令每日輪差
醫獸三人赴牛羊司看驗醫治所有合用藥材從本司
具數移文市令司應副使用詔依乾道元年郊祀皇帝
行禮添正副牛犢并母各一副薦饗安統皇后室
各一就道三年安恭皇后神主祠廟又添羊豕各一

中興禮書第八卷

吉禮八

郊祀禮料二

乾道三年閏七月二十九日太常寺狀准尚書省劄子
白劄子契勘每歲祠祭合用牲牢禮料并薦新時果等
物色已降指揮令臨安府守臣檢察據實用之數收買
依市直當官即時支還價錢切慮諸處交納供獻官司
合干人循習舊例過數交秤斤兩欲望數奏專降指揮
日後祠祭行鋪供納牲牢等物並委太官令前期赴太
常寺監視兩平交秤即時出給收附令臨安府當日照
驗支還價錢庶幾杜絕虧損稽留之患詔依今勘會歲
中每遇祠祭合用禮料除已遵依已降指揮外內牲牢

依條大祀九十日中祀六十日小祀三十日入滌兼自來郊祀大禮所用牲牢亦合前九十日本寺看驗交收目今見有發到大禮牲牢并歲中祀祭牲牢緣今降指揮委太官令前期赴太常寺監視兩平交秤其太官令即無常員如歲中祀祭並大禮並係受誓戒前期方始差攝所有見今發到牲牢緣有前項指揮本寺並牛羊司未敢交收今欲乞依自來體例內大禮並祫饗令本寺官監視牛羊同合千人當官看驗揣估斤重即時出給收附當日報所屬支給價錢牲牢送牛羊司依條入滌內常祀令牛羊司監官令合千人揣估斤重即時出給收附當日報所屬支給價錢伏乞朝廷指揮施行劄付太常寺依所申

八月十九日禮部太常寺言今參酌到合行事件下項
一昨紹興十年明堂大禮合差親事官一十人入殿
般擎神酒禮料看饌慢內牲牢燈燭等并合差親事官
四人擡擎縮酒茅并乞下皇城司並前十日差撥赴寺
事畢發遣所有今來郊祀大禮欲乞依禮例下皇城司
依限差撥 一昨紹興十年明堂大禮差御厨工匠三
十人預先差撥三五人前去所屬指說安罌鍋竈并前
一日合用明火饌造神食所有今來郊祀大禮并望祭
殿祇備行禮及前二日朝獻景靈宮前一日朝饗太廟
并分詣別廟太社太稷九宮貴神比之昨紹興十年明
堂大禮事體不同今來合共用御厨工匠五十九人并
欲乞下御厨差撥詔依

郊白版逐
做此

二十日禮部伏准都省批送下前通判巴州李安仁劄
子子慶歷七年太常禮院言昊天上帝日月星辰並用
藻秸五帝用莞至唐始加褥今南郊始加褥而無藻秸
與莞又禮以茅縮酒今但加零陵香灌其上殊無稽驗
將來奏郊廟宜更制藻秸莞席為藉而縮酒用茅從之
安仁恭覩將來南郊亦合照用後批送禮部看詳申尚
書省本部尋下太常寺看詳勘會國朝祀昊天上帝日
月星辰即今並用藻秸五方帝用莞更不加褥及縮酒
止用茅不加零陵香本寺今看詳本官申明事理見今
奉行乞批送下寺照用後批送禮部依看詳到事理行
下太常寺照會

二十三日禮部太常寺言勘會今來郊祀大禮并朝獻

景靈宮朝饗太廟分詣別廟太社太稷九宮貴神戟門
行礼合用般擎牲牢禮料神酒升烟柴草幣帛等兵士檢
會昨紹興十年明堂大禮係差殿前司禁軍一百三十
人并合用般擎祭器人兵係於殿前馬部三司差兵級
一百人緣昨明堂大禮神位四百七十餘位竊緣今來
郊祀大禮係合祭神位七百七十一位又於望祭殿祇
備不測雨降行禮亦設神位比之紹興十年增添一千
餘位其所用祭器神酒牲牢禮料幣帛等數萬餘件今
合差般擎牲牢禮料神酒升烟柴草幣帛等兵級一百
八十人般擎祭器等兵級今乞差二百人其前項所差
般擎禁軍乞依紹興十年禮例於殿前馬步三司差撥
並用一月到寺候禮畢送納官物了日發遣詔依十六年

月六日禮部太常寺言級學祭器兵
級人力不勝今乞添差五十人詔依

九月二日禮部太常寺言准御札今年冬至日有事于
南郊今參酌到合行事件下項 一檢會已降指揮依
在京夏祭禮例排辦牲牢醴料兩料今來所用蠟燭亦
合用兩料除燵火三條外其餘並係兩番使用景靈宮
合用秉燭八條太廟合用秉燭八十八條圓壇正配四
位合用椽燭八條從祀神位四百七位合用秉燭八百
一十四位契勘紹興十年大禮從祀係用常料燭緣在
兩廊供設今來郊祀圓壇係在露地逐龕供設竊慮至
時不測風勢稍大點照不明并據合午人申省記昨在
京郊祀逐龕亦用秉燭今來逐龕從祀常料燭乞改造
秉燭免至臨時闕誤燵火合用秉燭三條酒尊合用秉

燭一十六條准備秉燭三十條衆星神位三百六十位
合用常料燭七百二十條准備常料燭三十條 一望
祭殿合用蠟燭正配四位合用椽燭八條係兩番供用
從祀神位四百七位合用常料燭八百一十四條係兩
番供用燿火合用秉燭三條係一番供用衆星神位常
料燭三百六十條係一番供用酒尊合用秉燭八條係
兩番供使已上蠟燭二料共用椽燭一十六條秉燭九
百七十條常料蠟一千九百二十四條凡言椽燭每條
重三斤一十二兩秉重燭一十二兩常料燭重四兩今
欲乞並依紹興十年禮例令兩浙轉運司捍造於大禮
前四十日起本寺送納 一昨紹興十年明堂大禮應
合用禮料神席藁結縮酒茅燎草升煙柴各設祭器席

等係本寺具合用名件重升合數目下臨安府專委官
預先計置收買本府專一置庫收貯如闕本色令本寺
看詳以時物充代所有今來郊祀大禮欲乞令本寺具
合用名件斤重升數目下臨安府依例預先計置收買
排辦仍限大禮前一月畢備詔依十月十三日禮部太
日每遇郊祀大禮國壇上正配四位神位前所設燭
係有燭籠准備不測風勢稍大籠罩使用所有將采郊
祀大禮壇上正配四位神位前各設照燭風勢使用候
例下臨安府制造竹籠一十座祇備臨時風勢使用候
禮畢令本府收管詔
依自後遂郊祀此

十四日禮部太常寺言勘會今來郊祀大禮前二日朝
獻分詣景靈宮祖宗帝后神御前行禮合用御封降真
香二十七合乞下入內侍省請降其合用供養茶酒
果乞下翰林司依四孟朝獻例排辦施行所有青辭祝

文候車駕行禮畢出景靈宮門本殿幹辦官監視焚燎
 其合用燎草蠟燭香火香匙合拜席褥乞令景靈宮主
 管所指揮逐殿排辦詔依十二月十八日翰林司契期
 景靈宮新獻所有器皿什物係本宮所管器皿并神
 御前酌獻酒果等行下所屬供納赴本宮所管器皿并神
 御前酌獻酒果等行下所屬供納赴本宮所管器皿并神
 院寺處制造到合用器皿什物令本司鋪設排辦今未
 神御已到行在合用器皿什物令本司鋪設排辦今未
 血官物赴本宮收管仍乞自今後每遇四孟朔獻并應
 合相辦茶酒果等全本宮報臨安府差人供納就上件
 器皿等依日一面鋪設排辦詔依自後逐節仁皇后神
 御封者自光道元年大禮降二十九年合
 御赴宮奉安亦香二合共請降二十九合
 九月二十二日太常少卿王滄等言勘會將來郊祀大
 禮并前二日朝獻景靈宮前一日朝獻太廟係皇帝親
 祠行禮事体至重所有合用果實等前期令臨安府揀
 擇上等堪好新鮮物色入庫如法安頓各於祠前一日

令光祿丞同太官令監視市令司合千人將上件果實
等用淨香水如法洗擇焙務要潔淨詔依

同日又言勘會將來郊祀大禮并前二日朝獻景靈宮
前一日朝饗太廟依儀太府卿入陳幣光祿卿入實籩
豆簋簋太官令入實俎良醢令入實尊彝訖次監察御
史按視本寺契勘歲中常祀依已降指揮行禮畢監察
御史同太官令監視收徹禮料酒齊等一切了畢方退
所有將來郊祀大禮俟逐處行禮畢欲乞依上件禮例
監察御史同太官令監視收徹元設禮料酒齊一切了
畢方許滅燭訖退如有喧鬧不肅送所屬重作行遣內
園壇神位共七百七十一位若還官俟候收徹一切了
畢趨赴端誠殿稱賀委有相妨欲乞免赴稱賀立班詔

依

自後逐
郊祀此

二十九日太常寺言勘會將來郊祀大禮并前二日朝
獻景靈宮前一日朝饗太廟應合用牲牢醴料酒齊並
係臨安府差官專一排辦置庫收貯各於祀前一日齋
奉赴逐處祠所大禮使已下立班點饌畢書赴神厨係
光祿丞太官令守宿監臨饌造各於行事時前實設以
俟行事今契勘其牲牢醴料酒齊於祀前一日赴神厨
內係光祿丞太官令守宿監臨饌造外其臨安府見今
排辦醴料酒齊未曾差官守宿監視切慮不致嚴潔今
措置欲乞令臨安府所差排辦官在庫守宿監視各至
祀前二日齋奉管押赴祠所却乞令太常寺官就祠所
點檢守宿施行庶得嚴潔詔依

十月一日中書門下省言勘會郊祀大禮合用祭器果實已降指揮前期如法洗滌詔令都大提舉主管李綽林肇躬親監視滌濯祭器用香水淨洗果實并安頓去處并要嚴潔

白後運部
從此降旨

淳熙十二年七月十九日禮部言太常寺申勘會昨淳熙九年明堂大禮更不辦燭今來郊祀大禮所有太廟殿內外並樞星門外所有用甒盆合依淳熙九年體例排辦外其圓壇上下及壇牆裏并樂架內甒盆用松明及新好濃油供燒其壇牆外應用麻甒濃油並令臨安府照應體例排辦預期於所屬交納至時令皇城司等處差人供燒詔依

中興禮書第九卷

嘉禮九

郊祀祭器一

高宗建炎二年八月二十八日詔令東京所屬搬取起發祭器大樂禮神真玉朝祭服儀仗法物赴揚州行在應副郊祀大禮

紹興九年二月二十八日禮部言準都省牒下國子監丞張希亮劄子竊見天地宗廟社稷等祠昨緣建炎間車駕巡幸委之留守奉行繼用大臣之請迫依奏告禮例又因言者復加牲牢而禮猶有未盡欲乞朝廷觀時會通以行典禮特加行下禮部太常寺討論舊典凡大祀用十二邁豆後批送禮部看詳本部尋行下太常寺

本寺勘會依國朝儀注祭天地宗廟社稷係大祀並用牲牢遵豆皆有定數昨緣渡江之後逐權宜條具申降指揮排辦今詳看見今歲終祀祭天地宗廟社稷所設遵豆委是未應國朝儀注今欲乞依本官所乞上件大祀設十二遵豆其祭五方帝等處且依見今禮例止用酒脯行禮俟將來軍事寧息別行條具從之自十六年以禮部太常寺言依政和舊制用遵豆各二十有六簠簋各八

紹興十三年二月六日禮部太常寺言准正月十九日詔將來郊祀合用祭器令禮部太常寺開具名件申尚書省取旨禮部太常寺勘會到郊祀合用祭器名件見管見闕數目下項 一郊祀昊天上帝皇地祇并配位

共四位合用祭器並數足每位陶豆竹簋各一十二陶
簋各二俎案十二血盤一陶登二幣篚一匏爵站三
副銅鼎三并柶牛羊豕鼎各一一奉全 陶著尊壺尊太
尊山尊犧尊象尊各二并罍罍全燭臺二櫛杓四共用
受黍豆一減俎一御盤匱一副白羅巾全 一壇上第
一第二第三龕并衆星位各用祭器簋二千八百一見
管一千一百五十三闕六百四十八豆一千七百五十
見管一千一百二闕六百四十八簋七百七十三副見
管四百四十九副闕三百二十四副簋七百七十三副
見管四百四十九副闕三百二十四副俎九九百一十
見五百八十六闕三百二十四銅爵簋站七百七十六
副見管四百五十二副闕三百二十四副壺尊象尊櫜

尊各二十四各見管十二各闕一十二散尊二十四見
管一十四闕一十燿火三座見闕盥洗一十四副見管
一十二副闕二副塼石鎮子一千五百見闕登四百三
十血盤二十五幣篚二十七副牛羊豕鼎各著四尊一
十八犧尊二十四太尊一十八燭臺六百九十二椶燭
臺四各見管教足秉燭臺三百二十八見管一十六闕
三百一十二常料燭臺三百六十見管教足

二十七日禮部言准都省批送下白劄子仰惟微考稽
古制作裒集三代遺物取其法象肇新禮器薦之郊廟
又著宣和博古圖以貽天下後世乃知禮舊圖所載出
於臆度不可為據千載譌謬一朝頓革豈不偉哉主上
受命郊見天地實用新成禮器渡江之後勵有存者紹

興元年有司始造明堂祭器止依舊圖之說四年親祀
議者以新成禮器為合於古請復用其禮度事下禮官
謂無博古圖本遂不果行十年親祀前期内出古制爵
站以易雀背負醴之陋然而遵豆尊罍簋簠鼎諸器
至今依三禮圖如簠簋為桶立龜蓋上之類既知其非
猶且循襲況與爵站制度不 於理未安竊朝聞廷已
求得宣和博古圖本欲乞頒之太常俾禮官討論改造
將來大禮祭器悉從古制以稱主上昭事神祇祖考之
意後批送禮部看詳申尚書省尋下太常寺看詳乞請
降宣和博古圖下寺看詳施行秘書省供到狀契勘本
省見管宣和博古圖三部每部三十冊詔依令秘書省
給降一部

四月二十九日禮部太常寺言勘會國朝祖宗故事遇大禮其所用祭器並依三禮圖用竹木製造至宣和年倣博古圖改造新成禮器內簠簋尊罍爵盂豆盥洗用鑄造餘用竹木今來若並倣博古圖樣制改造內銅器約九千二百餘件竹木一千餘件其銅約用三萬餘觔若更製造準備值兩祭器委是功力浩大竊慮製造不及今看詳欲乞先次將圓壇上正配四位合用陶器并今來所添從祀爵盂並依新成禮器倣博古圖內陶器下平江府燒變銅爵盂令建康府鑄錫其竹木祭器令臨安府製造所有其餘從祀合用祭器候過大禮漸次討論申請改造施行詔依

閏四月二日禮部太常寺言契勘陶器銅爵竹木祭器

依上件指揮已令逐處燒鑄製造外有下項見闕名件
欲乞下文思院鑄造銅牛鼎四銅羊豕鼎各十三

各局畢七

全銅銅鼎十二并柶真玉圭璧二改

匣特後全

真玉兩圭

有卽二段

匣特後全

詔依

二十八日禮部太常寺言准都省札下王賁等劄子契
勘今來見排辦製造將大禮合用祭器大樂牲牢禮料
勘會在京日每遇夏祭大禮係排辦本壇并齋宮望祭
兩料祭器大樂牲牢禮料其冬至祀昊天上帝止排辦
一料祭器等竊緣在京遇冬月無雨今來臨安府冬月
不時雨降若將來大禮不測值雨其所用祭器大樂等
萬數浩瀚難以旋行般運赴齋宮未敢擅便乞依在京
夏祭禮例排辦兩料更合取自朝廷指揮後批送禮部

同太常寺指定申尚書省禮部太常寺指定將來郊祀
大禮擬設大樂祭器牲牢醴料內除宮架樂排辦一料
外其登歌樂并祭牲牢禮料欲乞依在京夏祭禮例排
辦兩料仍乞將登歌樂通作宮架之曲免致臨時般運
不前詔依

六月二十八日禮部太常寺言契勘在京南郊大禮於
圓壇之南蓋屋十間收盛祀神真玉祭器法物等所有
今來郊祀大禮乞令工部行下所屬於圓壇側近隨宜
搭蓋席屋十間收領祭器及開井兩眼應副洗洗滌祭
器使用其祭器候供使禮畢目令臨安府拘收踏逐穩
便寺院安頓詔依

八月二十八日禮部太常寺言准尚書劄子勘會昨在

京目遇每大禮皇帝飲福係用玉爵站今來除椿管御
前激賞庫見有玉爵一隻未有玉站劄付禮部同太常
寺討論申尚書省今來討論已有上件玉爵合行製造
玉站若將來於大禮前製造不及乞權用見今翰林司
所掌金站隨今來玉爵應奉詔依續有旨今福建轉運
司計置堪好玉石起

登赴行
在製造

十四年七月八日上諭宰執日國有大禮器用宜稱如
郊壇須用陶器宗廟之器亦當用古制度等卿可訪求
通曉禮器之人令董其事尋以命給事中改樞戶部侍
郎王鐵內侍王晉錫

十三日尚書省劄子勘會大禮景靈宮太廟並闕玉爵
站詔令太常寺據合用尺寸材料行下四川茶馬司計
置收買八月六日禮部言據太常寺中合用玉爵蓋并
站共四副其爵蓋琛各長九寸闊七寸厚五寸

至紹興十六年六月一日買到玉赴太常寺送納應收尚
書省劉子並送禮
器局收管製造

十五年十月十四日禮部太常寺狀准八月二十四日
詔將來南郊大禮應祭器令有司前期討論修整除已
見檢照討論外今檢會政和六年臣僚家廟所用祭器
係禮制局製造取旨以次給賜臣僚之家令將逐色祭
器內各取一件繳赴所在州軍限目下差人管押赴寺
以憑照應討論施行用畢給還劉付禮部依所申施行
十一月四日禮部言部聖旨將來南郊大禮應祭器令
有司前期討論修整尋下太常寺討論將來南郊應合
用祭器並合倣博古圖等樣制專委官改造伏乞朝廷
詳酌指揮施行勘會大禮朝享太廟合用禮器詔令段

拂王鐵一就討論同王晉錫制造 一圓壇正配位尊
罍并豆並豆並係陶器犧尊象尊壺尊各二十四豆一
百二十并蓋簋簋各二十四副已上博古圖該載制度於
紹興十三年已行燒造外内有未應博古圖樣制今討
論合行改造 太尊六十四大罍二十四已上博古圖
該載見依三禮圖燒造今討論欲依見今員壇正配位
新禮器改造 一圓壇從祀并太廟並係銅器豆三千
八百六簋各一千五百九十三副著尊六十著罍二十
四壺尊七十二壺罍二十四犧九十五犧罍二十四象
尊七十二象罍二十四區盤一副已上係博古圖該載
制度今來尚依三禮圖用漆木制造今討論欲博古圖
及本寺見管新成禮器樣式用銅制造 山尊三十四

山罍二十四本寺近於街市收買到宣政間新成禮器
山尊一今討論欲比倣用銅鑄造 概尊四十八蚌尊
一十散尊四十八黃彝一十四斚彝一十三雞彝一十
三鳥彝一十四各有舟罍洗三十五副已上祭器博古
圖各不該載見依三禮圖用漆木制造今來秘書省見
管古器內有尊彝等可以照應討論今欲乞降指揮於
秘書省權行闕備前件尊彝等赴寺討論用銅鑄造事
畢送納 遷三千七百九十二銅鼎六十龍杓二百九
已上祭器博古圖並不該載見依三禮圖用竹木并
銅制造今討論欲乞倣新成禮器用銅鑄造內蓮係
用竹造 俎案二千三十內除圓壇正配四位并從祀
俎一千八百二十已係新成禮器制造更不須改造外

所有太廟俎案二百一十今討論欲依三禮圖改造添用玉飾松按此卷見永樂大典第五千四百五十七卷中而卷一萬九百四十七又載禮書云紹興制造禮器圖俎長一尺八寸濶八寸高八寸五分漆兩端以朱中以黑未知是何條下之文附錄於此 爵站一千六百一十八副牛羊豕鼎共三十七已上禮器並已用銅鑄造今討論依得新成禮器樣制更不改造玉爵站依近降指揮令四川茶馬司收買真玉討論碾造施行十一日尚書省劄子契勘參知政事翟汝文曾任禮制局官其家有古器制度文字并圖樣甚多乞下翟耆老盡數檢尋時覓發赴禮器局參照討論候了畢給還詔依

十五年十二月十七日諭宰執曰將來禮器造成宜以制度頒示州縣俾之遵用庶革舛誤

十六年正月十五日禮部太常寺言勘會已降指揮制造將來南郊大禮并太廟禮器及令四川茶馬司收買真玉赴行在所屬礮造玉爵站契勘將來大禮前二日朝獻景靈宮前一日朝享太廟其亞終獻合用瑤爵站係用階石礮造見關令相度從乞下出產州軍收買瑤爵站璞八副准備三副候指揮下日從本寺畫樣貼說尺寸報階州收買候到乞令製造禮器局礮造施行詔依

二月二十八日禮部言准都省批送下制造禮器局申據太常寺贊引使臣王彥能等狀已降指揮討論制造

將來南郊大禮并前一日朝享太廟禮器其圓壇正配位尊罍并豆並係陶器內除太尊太罍犧尊象尊盞簋遵依已降指揮各有該載數目合行改造所有其餘合造陶器尊罍竊慮將來大禮鋪設與今來見造禮器不一著尊犧罍象罍壺罍山尊山罍各二十四伏望朝廷指揮一樣改造行施後批送禮部看詳申尚書省尋行下太常寺看詳欲依制造禮器局所申事理施行詔依三月五日旨降下太廟籩毛血盤簫蒿爐簫蒿篚并圓壇毛血盤樣共五件付制造禮器局令依樣制造八日守給事中段拂劄子奏臣嘗聞記禮者曰祭器未成不造燕器凡家造祭器為先蓋祭以事神器以藏禮奉祀宗廟足以隆孝享寵錫勲勞足以照慶澤武王有

宗彛之班孔子有薄正之說宜致嚴而不可後也國家自靖康以來郊壇廟享器用之設因循未備竊考政和會要禮制局建言太廟陳列祭器尚襲有唐制度之陋乞盡循周制然後議五廟三廟祭器名數恭惟陛下欽崇祀事垂意典章疑土範金制作高古稽考博通於載籍覽定昔自於宸衷觀時會通庶事備矣當及此時釐正郊廟祭器之數次及臣僚家廟給賜並依政和六年已行舊制庶幾多寡適宜有所依據伏望聖慈更付禮官詳加討論以聞詔令禮部太常寺討論今討論到謹案周禮朝事饋食加籩豆各八羞籩豆各二其數各二十有六禮記天子之豆二十有六諸公十有六諸侯十有二詩陳饋八簋古制甚明徽宗皇帝詔書已有明文

今討論合依政和六年釐正郊廟禮器之數於天地宗廟每神位前用籩豆各二十有六簋簋各八次及臣僚給賜並依當年已行舊制委得允當乞下禮器局照會增造施行詔依

二十一日有旨降下燭臺二座付制造禮器局令依樣造大禮圓壇并太廟合用數

四月十七日給事中段拂等言契勘本局近牒太常寺取會得共合造鉄燭臺八百九十座本燭臺七百二十座依元降樣制內鉄燭臺合以銅造木燭臺合以鉄造緣所用鉄數浩瀚若旋行計置切恐遲誤今來本局見在銅可以造作數足兼會得太常寺若盡用銅改造於典禮並無妨礙欲乞從本局將見在銅依樣制就用見

役人匠改造施行庶幾與見造禮器一體詔依

五月二日禮部言准都省批送下太常寺丞王湛等劄
子乞將本寺見管瓦登兩料匏爵站一十五副下禮器
局一就制造行後批送禮部看詳申尚書省尋下太常
寺看詳勘會見管瓦登係依三禮圖豆樣燒造與今來
禮器局所造委是樣制高低大小不一其匏爵站亦合
一就制造今看詳欲依前項所乞事理施行詔並令禮
器局制造

之時陽氣深藏而陰氣用事於外所謂陰周而藏物也
壺之氣穹隆函容有收斂蓄藏之意尊壘之制宜取諸
此烝嘗所用則各祇其時也博古圖所載形制簡古當
以是為式 大尊通足高八寸一分口徑五寸七分腹
徑六寸一分足徑三寸八分深六寸五分 大罍通足
高八寸二分口徑四寸五分腹徑五寸八分足徑三寸
八分深六寸七分 犧尊重九觔一十兩通足高六寸
一分口徑二寸四分頭至足高八寸二分耳高二寸一
分五釐耳闊八分五釐深三寸七分 犧罍重六觔三
兩通足高八寸六分口徑三寸九分腹徑六寸五分深
七寸三分 象尊重一十觔通足高六寸八分口徑一
寸八分耳闊一寸二分耳長一寸九分深四寸九分

象罍重五觔一十三兩通足高八寸六分口徑三寸九分腹徑六寸五分深七寸三分周禮司尊彝春祠夏禴其朝踐用兩獻尊其再獻用兩象尊皆有罍諸臣之所昨也凡四時之間祀追享朝享其朝踐用兩大尊其再獻用兩山尊皆有罍諸臣之所昨也朝踐即朝獻也犧尊而謂之獻尊舉其用於朝獻以言之爾尊獻牛尊也其用宜於春象產於南越明堂位曰犧象周尊也犧象均大物其用於春祠夏禴宜矣大尊瓦尊也有虞氏上陶即明堂位所謂泰有虞氏之尊而說者以為泰用瓦是也凝土為質陶以為尊貴本尚質而已用於禘祫而報本反始之意寓焉副之以罍諸臣之所昨鬯人凡祭社祀燧用大罍說者以大罍其瓦罍用副泰尊亦其宜

歟 山尊重六觔四兩高九寸八分五釐口徑六寸七分五釐深七寸五分周禮司尊彝凡四時之間祀追享朝享其再獻用兩山尊三里圖所載有脰有足腹大而口員刻畫山雲文理糾雜莫可辨曉今考博古圖所載商祖戊尊與父癸尊形制聳起上下之徑相等而口侈今所存山尊與諸尊小異者特旁為山形宛如峯岫巉起是為山尊之制 山鼎重五觔八兩九錢高八寸七分口徑四寸三分六釐腹徑七寸四分五釐深七寸六分明堂位曰山鼎夏后之氏尊說者謂為山雲之形書言山龍華蟲作繪說者以謂無為而仁者山也山以象仁之體周禮王執鎮圭璽以四鎮之山說者謂四方鎮焉萬物養焉仁而已論語曰仁者樂山又曰仁者靜則

敦大靜重而能容養萬物者山也司尊彝追享朝享其朝踐用兩大尊其饋獻用兩山尊蓋追享朝享禘祫也追享及祖之所自出有奉先追遠之義故用兩大尊大尊以瓦為之而無飾則尚質反始如太羹玄酒之意朝享則各食太祖致仁於鬼神之意其用山尊者仁之至也彝皆有舟尊皆有壘為酒戒也凡用山尊則壘宜亦以山為飾博古圖所載周之諸壘其制皆口圓肩聳兩耳舉以兩環與鼎崇義所圖絕異今山壘旁飾以山而雲雷間錯有敦大靜重之意宜從博古圖之制 銅鼎重三觔六兩五錢通足六寸六分五釐口徑五寸六分脣闊三分耳高一寸七分厚四分闊一寸七分深三寸八分鼎象也以木巽火以烹飪為義其大函牛其小薦

魚比所容之量也鼎之絕大者謂之鬴圓而掩上者謂之鼎此所命名之名也有所以承之有鉉以舉之其位置有方其多寡有數此鼎之大槩然也鉶鼎者盛羹之器也亨人掌共鼎鑊以給水火之齊職內外享之饗亨者辨膳羞之物祭祀共大羹鉶羹賓客亦如之大羹者肉渚也不致五味如所謂玄酒有貴本反始之意鉶羹則加調芼而味具焉舉其實而言之則謂之鉶羹指其器而言之則謂之鉶鼎先儒集韻載鉶與鉶二字其說以謂即禮盛和羹之器或從形通作鉶而說者又謂鉶鉶美之鼎也太羹羹象也鉶而刑成焉於理或然今以博古圖參酌制度以為範金之式云登口徑四寸九分通足高五寸九分深一寸四分足徑五寸一分爾雅曰木

豆謂之豆瓦豆謂之登說者謂木有升性土所執下陶

以為豆乃有登理於義或然豆薦俎醢登盛大羹三禮

圖所載大小高卑未知所據詩言于豆于登則瓦豆以

貴其質尚矣儀禮公食大夫禮大羹渚不和實于鐙宰

右執鐙左執蓋言左執蓋則有蓋可知也鄭氏謂瓦豆

謂之鐙鐙之字從金知亦有範金而為之者耶

蚌字本

從辰從虫絲犯御嫌名按周禮王義從辰從虫畫為蚌一

從虫形者亦謂漆畫之云蚌曰含漿尊之象者蚌蛤一

畫為從辰從虫而尊名也尊重五觔四兩通足高八寸

四分口徑五寸腹徑六寸八分深六寸九分 概尊重

四觔七兩五錢通足高八寸四分口徑五寸腹徑六寸

八分深六寸九分 散尊重四觔七兩通足高八寸四

分口徑五寸腹徑六寸八分深六寸九分周禮鬯人凡

山川四方用蚌凡裸事用概凡鬻辜用散許氏說文謂
雉入海化蛤先儒謂蛤時啟閉氣以時出者也則蛤以
以知時為義月令正權概考工記曰概而不稅說文以
謂斗概五量資之以為平故概尊之飾三禮圖以謂以
朱絡腹平直如量概然鬻辜大宗伯所謂以鬻辜祭四
方百物是也無飾曰散如屨人所謂散屨之類禮有以
文為貴者其器之飾有繁簡其用則眡祭祀之小大以
為差等蚌尊概尊散尊三者不以漆飾而範金以為器
云 牛鼎重八十四觔口徑一尺八寸八分脣緣在內
入深一尺二寸九分耳至足高二尺六分 羊鼎重
六十七觔口徑一尺七寸五分脣緣在內入深一尺一
寸九分耳至足通高一尺九寸四分 豕鼎重六十一

觚口徑一尺六寸四分脣緣在內入深一尺一寸二分

耳重足通高一尺八寸六分 牛鼎局長三尺八寸徑

圍一寸四分黑漆其兩端以朱

宗廟兩端以玉飾羊豕局同

羊鼎

局長三尺五寸七分徑圍一寸四分黑漆其兩端以朱

豕鼎局長三尺四寸二分徑圍一寸四分黑漆其兩

端以朱 牛鼎畢通柄長二尺四寸柄長一尺九寸三

分徑一寸黑漆柄末及兩葉以朱 羊鼎畢通柄長二

尺三寸柄長一尺八寸五分徑九分黑漆柄末及兩葉

以朱 豕鼎畢通柄長二尺三寸柄長一尺八寸五分

徑九分黑漆柄末及兩葉以朱 牛鼎七通柄長三尺

六分柄長一尺六寸徑一寸黑漆柄末及葉以朱 羊

鼎七通柄長一尺七寸七分柄長一尺三寸七分徑九

分黑漆柄末及葉以朱 承鼎七通柄長一尺七寸七分柄長一尺三寸七分徑九分黑漆柄末及葉以朱 罍以茅徑圍各隨其鼎 鬯刀重二觔四兩長一尺三寸柄長五寸八分上施五鈴以應五音 洗罍重一十二觔通足高一尺口徑八寸四分深七寸二分足口徑一尺三寸六分深二寸九分足口徑八寸九分盥所以致潔肅恭之意尤見於臨事之時內外進矣而無垢穢之累然後可以歛焉此罍洗之器所為設也有施於祭祀者如小臣大祭祀沃盥王盥鬱人凡課事沃盥是也有施於冠昏者如設洗直於東榮設洗於阼階東南是也罍以盛水勺以挹水以洗受棄水者惡其棄於地也盛水以罍有取於尊罍之罍蓋有澤物之意焉三禮圖洗

高三尺諸侯士大夫以銅鐵白金之飾為羞洗畫水文菱花罍畫朵雲之象循習舊圖未知所據今博古圖所載罍為發饗雷文而洗著龜魚之飾形制高古宜為定飾 篚通足高五寸長二尺八分闊五寸二分深四寸蓋深二寸八分篚以竹為之用於薦物而有節焉者也幣帛之將織文之貢爵解之設苴茅之頒冠昏飲射之禮無不用焉鄭氏謂篚竹器如筭廣韻以筭箒為小籠說文所謂篚如竹篚者是也今祭祀之間奉幣奠爵皆以是恭欽之意舊圖所載長廣高深未知所據今所制造特加細密云 祝版坫重二觔九兩縱廣九寸二分三禮圖謂坫以致爵亦以承尊今版載祝祠爵備酌獻必審所處而置焉示欽謹祀事之意有占之義故謂之

圻也今範金為之其體四方措地而平正製作簡古宜為定式 爵重一觔十二兩通柱高八寸二分深三寸三分口徑長六寸二分闊二寸九分兩柱三足有流有鑒爵圻其形方從廣各九寸二分以銅為之重二觔九兩俎長一尺八寸闊八寸高八寸五分漆兩端以朱中以黑 冪尊疏布巾三禮圖布之副二尺有二寸而圖之今以布一副取方為之遵巾用綌元被纁裏圖一幅銅鼎相用木為之三禮圖相長尺機博三寸曲柄長六六寸今機長二寸八分闊一寸八分柄長七寸漆赤中及柄端機背飾雲三 雞彝重五觔一十兩鳥彝重五觔十一兩斚彝重四觔六兩七錢五分黃彝重四觔九兩虎彝重五觔一十兩蚩彝重四觔一十二兩五錢六

分彛各通足高六寸深四寸一分口徑七寸三分腹徑六寸八分耳圓長一寸九分闊一寸耳長三寸一分闊六分耳垂長一寸二分闊七分口徑徑五寸雞彛舟重七觔六兩鳥彛舟重七觔一兩犀彛舟重七觔黃彛舟重七觔七兩虎彛舟重七觔九兩雌彛舟重八觔一十二兩六舟各通足高二寸九分深一寸六分口徑闊一尺三寸一分五釐長一尺三寸四分五釐足口徑闊七寸九分長八寸二分耳長二寸五分闊二寸二分厚三分耳圓長二寸一分闊一寸三分彛之制有六禮書辨說詳矣彛之為言常也六尊實以齊酒六彛以盛鬱鬯小宗伯辨六彛之名物以待裸將鬱人和鬱鬯以實彛而陳之是也裸鬯求諸陰陰有常而無變故謂之彛司

尊彝掌六尊六彝之詔詔其酌辨其用與其實春祠夏
禘裸用雞彝鳥彝秋嘗冬烝裸用斚彝黃彝雞彝鳥彝
虎彝雉彝則遠取諸物斚耳黃目則近取諸身烝嘗禘
祫之用以禮書考之用之祇其時取之有其義制器尚
象則各從其類也斚彝今以秘書省所藏商斚取其耳
弁瑗飾為之斚人大祭祀與量人受舉斚之卒爵而飲
之量人凡祭與斚人受斚歷而皆飲之明堂位言爵商
以斚周以爵詩言洗爵奠斚則斚宜為飲器而斚彝者
盛鬯鬯之器所用以裸者也斚有耳彝飾以耳可也凡
六彝今以博古所載周單彝為式虎彝雉彝則取周鐙
虎雉為之鳥彝則取周卣之鳳形為之雞彝則取商兄
丁尊款識雞字為之黃彝則取商夔龍卣黃目為之今

御府所藏虎彝兩旁以耳舉鼻且有瑑飾犖彝并舟彝以耳為義特質素者所以別於他彝也舟所受過量則沉溺彝皆有舟以為酒戒先儒以謂如承槃然陳祥道禮書作虛舟之狀今御府所藏制度高古當以是為式龍勺重一觔勺口徑闊二寸一分長二寸八分深一寸一分柄長一尺二寸九分酌獻盥洗皆以勺挹之夏商周所用有龍勺疏勺蒲勺之辨或以象類或以疏刻莫不致其義焉梓人為飲器勺一升者言其所容也儀禮加勺于尊皆南方者言其枋之所向也龍藏於淵蒲生於水而疏有引道疏通之意舊有龍勺制作精緻為龍首於柄端遂以為式夫挹注之器有所謂斗酌以大斗是也有所謂勺勺一升是也大者注之於尊彝小者

注之於琰瑱

十一月一日有旨降到玉爵站五副飲福玉爵站一副
內飲福站用金箱共一十二件各有雪花纏紋并黑漆
匣一十一隻黃羅匣一隻紫羅夾帕一十條黃絹衲帕
一十條付太常寺收管太廟奉安所申契勘降到玉爵
站等依已降指揮付祭器庫如法安頓外所有飲福玉
爵站一副今月四日交割付翰林司掌管十九年三月
十九日有旨降瑤站一十一付付太常寺收管使用四
月二十一日工部狀准都督省批下太常寺申准紹興
十八年十一月十一日指揮大禮儀仗等自來年正月
一日令有司檢舉修整本寺開具昨紹興十六年應副
大禮合用陶銅竹木禮器景鍾大樂等厨什物等名件

申工部乞行下軍器所臨安府修整及數內有係當年
禮器局創行添造祭器景鍾大樂等未經官司修整名
件乞下軍器所一就修整後據軍器所狀稱除宮架樂
係屬本所添修外有祭器自來不曾造過亦不曾添修
本寺契勘昨係禮器局添造到大禮陶銅竹木禮器并
景鍾大樂等未經官司雅飾伏乞朝廷指揮令工部軍
器所一就修整施行批送工部依所申五月二十五日
工部狀據轄軍器所申契勘見承指揮添修太常寺景
鍾等數內銅陶器祭器等共二萬七千五百九十三件
緣上件禮器元係禮器局制造今來除銅器竹木器本
所差人編掇相驗可以添修外有陶器共二千二百三
十八件內有不堪四百六十件難以添修竊見太廟陶

器見委臨安府添修伏乞朝廷指揮一就令臨安府添修製造後批造工部依所申施行七月十一日都省批狀指揮太廟金玉銅祭器亦令臨安府修整

二十二年四月二十六日禮部狀太常寺申契勘今年係大禮年分本寺有合排辦景鍾事件金玉大樂禮器警場奏嚴鼓角并修飾圓壇等合依例所屬預行差官檢計修飾如內有不堪名件乞行換造施行依昨紹興十九年應奉大禮將所屬官司曾經雅飾修整過體例開具申尚書工部施行去後續准工部稱即未見許造指揮致施行未得今開具名件下項伏乞朝廷行下所屬差官檢計添修雅飾換造施行景鍾并事件金玉大樂銅竹木祭器并警場奏嚴鼓角等係軍器所并寄頓

太廟金玉祭器及笙簫篪笛并壇龕陞壇墻神厨什物
等係臨安府劉下軍器所臨安府並依所申施行劉付
禮部照會二十五年二十八年郊祀大禮都省劉子添
修雅飾祭器指揮倣此

二十五年九月二十七日御前降下新碾造真玉圭瓚
一并黃羅襯褥二黑漆匣一紫羅夾帕象牙牌全付太
常寺收管

隆興二年三月二十六日禮部太常寺言准正月一日詔
今歲冬至當郊上見帝可令有司除事儀物諸軍賞給
依舊制外其乘輿服御及中外支費並從省約仍限一
月條具以聞今條具數內將來大禮前二日朝獻景靈
宮前一日朝饗太廟別廟并圓壇望祭至日分詣九宮

貴神太社太稷合用竹木銅祭器黃帕帨巾拭爵巾等
自紹興二十八年大禮并常祀鋪設供使至今六年並
不曾雅飾修換緣為內有竹木祭器累經梅蒸膠水脫
落損動及黃帕帨巾拭爵巾等顏色漬污破碎不堪供
使契勘上件竹件竹木銅器黃帕帨巾等並中等並是
事神之物今來合行雅飾修撰伏候指揮詔依

照此三年
做此

乾道三年
至淳